



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Originvm Monasticarvm Libri IV.**

**Le Mire, Aubert**

**Coloniae Agrippinae, 1620**

Cap. XVI. De B. Petro à Castronouo, martyre primoq[ue] Inquisitore  
hæreticæ prauitatis, & de B. Othone Episcopo Frisingensi.

**urn:nbn:de:hbz:466:1-11249**

## CAPVT XVI.

*De B. Petro à Castro nouo, martyre primo-  
que Inquisitore hæreticæ prauitatis,  
& de B. Othone Episcopo Fri-  
singensi.*

B. Petrus de Castro nouo monachus ordinis Cisterciensis, in cœnobio Fontis frigidæ, in Francia, & d. Bellouacensi, fuit primus hæreticæ prauitatis Inquisitor, ab Innocentio III. Papa constitutus. Testatur id Ludouicus Paramus lib. 2. De Origine Inquisitionis c. I. *Sanctissimæ( ait) Inquisitionis officium eo tempore sumpit exordium, quo impj's erroribus & blasphemj's execrabilibus Albigensium Comitatus Tolefanus infectus & penè extinctus erat . Tunc enim gloriosus Deus in Innocentio III. summo Pontifice eam mentem iniecit, vt Petrum de Castro nouo monachum, virtutis & sanctitatis gloria florentem, crearet Legatum, & ad illam prouinciam ad Christum Saluatorem nostrum reducendum mitteret.*

Fuit autem dictus Petrus de Castro nouo à Summo Pontifice constitutus Inquisitor, antequam Ordo Prædicatorum per S. Dominicum esset fundatus : vtpote qui

Z. 3 ante

ante duodecim istos Abbates Ordinis Cisterciensis ( de quibus paullò pōst agam ) Legatione Apostolica contra Albigenses functus fuerit: vt tradunt Vincentius bellouacensis in Speculo historiali lib. 29. cap. 93. Theodoricus Apoldianus in vita S. Dominici apud Surium, Antoninus in Summa part. 3. tit. 19. cap. 1. & alij.

Fuit verò non solum primus Inquisitor, sed & primus eo nomine martyr, vtpote qui sacrae Inquisitionis officium primus suo sanguine consecravit iussu Raimundi Comitis Tolosani (qui Albigensium fautor erat) crudeliter cæsus. Id disertè Vincentius bellouacensis loco citato his verbis testatur: *Petrus de Castro nouo, Domini Papa Legatus à Comite Tolosano, quem propter hereticorum defensionem excommunicauerat, occiditur. Idem tradūt Antoninus loco citato, Martinus Polonus in Chronico, Ludouicus Paramus, & alij.*

Ceterùm non vno loco Innocentius III. affirmat dictum Petrum fuisse monachum Fontis Frigidi, adeoque ordinis Cisterciensis puta, Cap. Per inquisitionem de Electione & Elelione potestate: Cap. Per litteras de supplēda negligētia Prælatorum: Cap. Cum dilecti, de Accusationibus.

Est autem monasterium Fontis Frigidi in Francia, & d. bellouacensi situm, & anno 1140. per Valeranum Vrsicampi Abbatem, ac S. Bernardi discipulum, primitus fundatum:

rum: vt tradit Robertus Abbas Montis S. Michaelis in Supplemento ad Sigeberti Chronicon.

Ex quo quidé loco annis tredecim postea, hoc est, anno Christi 1153. monachi Ord. Cisterciensis prodierunt, qui *Populetum* in *Catalonia* cœnobium longè celeberrimum condiderunt, Raimundo Berengario Barcino-nensi Comite dotem suppeditante: vt ex illius monasterij archiuis tradunt Martinus Viciana in Chronicis Valentiae libro 3. & Iohannes Aluarus lib. de Monasterijs ord. Cisterciensis in Aragonia. Ceterū ex eodem, vt arbitror, monasterio Fōtis Frigidi prodijt Iacobus Fornerius, pōst Benedictus XII. Papa.

Porrò ex hac vita sublato B. Petro de Castro nouo, *Summus Pontifex duodecim misit Abates, ex D. Bernardi familia, eximia virtute & præclara doctrina ornatisimos, vt in hæreticorum pagos excurrerent: vt cit.lib. Ludouicus Paramus loquitur.* His duodecim Abbatibus postea socios sese adiunxerunt B. Didacus Oxomensis Episcopus, & S. Dominicus Canonicus tunc Oxomensis, pōst Ord. Prædicatorum parens ac conditor.

Fuit autem totius huius, aduersus Albigenenses, sacræ expeditionis ac legationis caput, Abbas Cisterciensis, cognomento *Arnoldus*, vt tradit idem Paramus. Adeò quidem, vt ipse etiam sanctus Dominicus à

dicto Abbatē suam acceperit tunc temporis commissionem. Constat id ex Formula Absolutionis per ipsum dāri solita, quam Paramus lib. cit. cap. 2. recitat: *Vniuersis Christiadelibus præsentes litteras inspecturis, frater Dominicus, Oxomensis Canonicus, Prædicator minimus, salutem in Christo. Auctoritate Domini Abbatis Cisterciensis, Apostolicae Sedis Legati, qui hoc nobis iunxit officium, reconciliauimus præsentium laborem, &c.* Hæc omnia diligenter obseruet, donec alias super his Dominus Legatus suam nobis exprimat voluntatem, &c.

Hæc visum fuit paullò latius deducere, ut contra vulgi opinionem ostenderemus, nō Dominicanis, sed Cisterciësibus primùm institutæ aduersus hæreses Inquisitionis officium deberi acceptum.

Quod attinet ad B. Didacum Oxomensem Episcopum, fuit & is postea Cisterciense institutum amplexus: ut præter alios Theodoricus Apoldianus testatur: *Reuertens Cisterciense cœnobium inuisit: ubi multorum seruorum Dū sancta conuersatione & religionis sublimitate illitus, habitum monasticum accepit, atque inde monachos aliquot secum adduxit, è quibus discent mores illius instituti, & ordinis disciplinam. Plura de his qui volet, Angelum Manricum consulat in Laurea Euangeliæ Salmanticæ an. 1610.*

Hispanicè edita.

*De B. Othono Frisingensi Episcopo, an-  
tea monacho Morimundensi,  
Ord. Cistercien-  
sis.*

**O**Tho filius S. Leopoldi, Marchionis Austriae, vir doctus & pius, factus est primus Præpositus Neoburgi in Austria, quod monasterium S. Leopoldus pater eius fundarat. In de studiorum causa Parisis profectus, ingressus est Morimundense cœnobium, cum 16. Sodalibus; ubi facta professione, euocatus est Frisingam ad Episcopatum anno 1138. Ita vetus Austriae chronicon habet. Ioannes Cuspiianus in Austria, in vita S. Leopoldi, dicit Ottонem se ad Concilium seu Capitulum Cisterciense, quod Morimundi agebatur, contulisse, ibi morbo & senecta oppressum sanctissime ac religiosissime obiisse, ibique sepultum anno 1158. Paulò post discessum Ottonis, Frisinga cum sede Cathedrali, omnibus templis & ornamentis, incendio gravissimo perit. Hic Otto non tam instaurator quam fundator Ecclesiae Frisingensis extitit. Bona enim distracta recuperavit, collapsa palatia & ædificia restituit, disciplinam monasticam in usum reuocauit. Hic ipse Otto, ope fratris sui Henrici Ducis Bauariæ, monasterium Scheftlarn, per Hungaros vastatum, instaurauit, & in locum Benedictinorum

Z 5

Præ-

Præmonstratenses substituit an. Domini 1140.  
Pariter de novo instituit monasterium *Nova Cellæ*, prope Frisingam , pro eodem ordine  
Præmonstratenſi, nec non *Schlierense* Collè-  
gium Canoniconum. Eiusdem Othonis con-  
ſilio sopita est grauis illa contentio super Du-  
catu Bauariæ, inter fratrem Ottonis, Henrici  
Marchionem Austriæ, & Henricum Leonem,  
Saxoniæ Ducem per Fridericu I. Romano-  
rum Imperatorem in comitijs Ratisponensi-  
bus. Austria Ducatus titulo donata est, cum  
acceſſione prouinciæ ſupra Anaffum; Bauaria  
verò Leoni eft adiudicata: ex statque diploma  
à Frederico Imp. anno 1156. Ratisbonæ signa-  
tum , apud Hundium in Metropoli  
Salisburgensi; ex quo iſta de-  
ſumplimur.

\*\*\*